

vnd Hilffe die Berg-art anzugreifen vnd zu sol-  
 viren / vnd in solcher Solvirung erwärmet sich  
 das Wasser / gleich als wann es vber einen unge-  
 löschten Kalckstein stünde / oder ein Wasser mit Sp-  
 salis oder vitrioli vermischet / auff ein Eisen oder  
 ander Metall geschüttet were / vnd frisset also von  
 Tag zu Tag im durchlauffen etwas von der Berg-  
 art / vnd führet solches mit sich an den Tag / nach-  
 deme nun die Berg-art von Natur vnd Eigen-  
 schafften gewesen / solche Kräfte das Wasser mit  
 sich führet / daher so mancherley Art der Bäder  
 oder Wasser / weilen so mancherley Berg-arten in  
 der Erden / davon die Wasser erwärmet / gefunden  
 werden. Der nun dieses nicht gläuben kan / der  
 nehme ein Stück von dergleichen Berg-arten / vnd  
 lege solches in ein naßgemachtes Tuch / laß solches  
 ein wenig liegen / so wirdt er befinden / daß solcher  
 Stein sich von dem Wasser entzündet / vnd so heiß  
 werden wirdt / als hätte er im Feuer gelegen / also  
 daß man solchen nit für Hitze in der Hand wirdt  
 halten können / auch das Wasser darauff kochen  
 möchte / so lang biß der Stein gang als ein gemei-  
 ner Kalckstein zerfallen / vnd von dem Wasser ver-  
 zehret ist.

Diese meine Meynung vom Ursprung der  
 warmen Bäder / habe ich kürzlich hieher setzen wol-  
 len / bin aber ins künfftige / wann Gott will / solche  
 deutlicher vnd klärlicher zubeschreiben gesinnet /  
 wiewol dem Krancken nit so viel daran gelegen /  
 wo solche Wasser ihren Ursprung vnd Kräfte  
 her-